

第三十七册

明倫彙編

氏族典

(卷)

寇授佑茂賀懋繡

秀幼姓副釋諸姓閨姓

禁沁諸姓關贛淦念

瞻燃監鑒鑑汎姓部

陸姓部

祝牧木沐伏姓部

鞠鞠麵竺竹服睦

叔姓部

夙祿穀馥鹿肅瀟

濮速密姓部

冉僕畜鸛鄙谷郁

蓼獨姓部

穆卜目禿宿姓部

吾六

吾七

吾八

吾九

吾十

吾十一

吾十二

吾十三

吾十四

吾十五

奎翰復福腹犢縮

斛璞漬築姓屋六諸姓

沃續曲姓部

束遂王燭栗督篤

欲淥浴觸姓獲箒諸姓

部

樂岳姓部

卓濯朴濁偃獄角

鄂姓胡覺諸姓栗乙恤

姓部

室姑密佛必郅漆

郅率律一姓部

畢姓部

吉跋劇蛭悉佚聿

壹七柒汨適姓術肱

諸姓部

五五

五四

五三

五二

五一

五〇

四九

四八

(卷)

古今圖書集成

中華書局影印

古今圖書集成
卷一百一十五
目錄
一、詩部
二、書部
三、易部
四、春秋部
五、禮部
六、樂部
七、律部
八、刑部
九、兵部
十、工部
十一、農部
十二、商部
十三、雜類

古今圖書集成

中華書局影印

欽定古今圖書集成明倫彙編氏族典
第五百卷目錄

寇姓部彙考

廖用賢尚友錄寇姓

凌迪知萬姓統譜寇姓

寇姓部列傳

周

寇先

後漢

寇恂

寇榮

北魏

寇讚

寇虎皮

寇祖

寇治

寇謙之

北周

寇洛

唐

寇泚

後梁

寇彥卿

宋

寇準

寇隨

寇仲溫

寇張

寇元寶

寇臻

寇祖訓

寇肅之

寇猛

寇雋

寇雋

寇雋

寇雋

寇雋

寇雋

寇雋

寇平

寇靖

明

寇遵道

寇厚

寇深

寇陽

寇姓部雜錄

授姓部列傳

漢

授昇衆

佑姓部列傳

明

佑忠

茂姓部列傳

漢

茂負

明

茂彪

茂有績

貿姓部列傳

漢

貿充國

懋姓部列傳

明

懋國輔

繡姓部列傳

漢

繡君賓

秀姓部列傳

明

秀芳

幼姓部列傳

漢

幼安

副姓釋姓鄧姓鏤姓廐姓灸姓神姓胃姓舊姓痕姓鄧姓穠姓穠姓穠姓秀姓詭姓陋姓候姓部彙考

考

凌迪知萬姓統譜副姓 廐姓 灸姓 神姓 胃姓 舊姓 痕姓 鄧姓 穠姓 穠姓 秀姓 詭姓 陋姓 候姓

姓舊姓 秦姓 詭姓 陋姓 穠姓 穠姓 穠姓 穠姓 穠姓 穠姓

閉姓部列傳

明

閉鳳

禁姓沁姓部彙考

凌迪知萬姓統譜禁姓 沁姓

關姓部彙考

廖用賢尚友錄關姓

關姓部列傳

周

關止

漢

關樂

吳

關澤

北魏

關駟

唐

關稜

宋

關洞

元

關文典

明

關雲

贛姓部列傳

漢

贛遂

金姓部列傳

宋

金安

念姓部彙考

鄭樵通志

念姓部列傳

北周

念賢

明

念進

贍姓部列傳

元

贍思

燃姓部彙考

凌迪知萬姓統譜

監姓部彙考

凌迪知萬姓統譜

監姓部列傳

周

監祿

漢

監居翁

監正

北魏

監伯陽

宋

監日恭

鑒姓部彙考

凌迪知萬姓統譜

鑒姓部列傳

明

鑒文獻

鑑姓部列傳

明

鑑復明

汎姓部列傳

後漢

汎疑

明

汎克恭

氏族典第五百卷

寇姓部彙考

廖用賢尚友錄

寇姓

寇上谷宮音蘓忿生爲周司寇以官爲氏又云衛康

叔爲周司寇支孫以官爲氏又望出馮翊

凌迪知萬姓統譜

寇姓

寇司寇氏或略去司然蘇忿生之後爲蘇氏此以司

寇氏者未必忿生之裔

寇姓部列傳

周

寇先

按尚友錄先宋人以釣魚爲業居睢陽傍百餘年得魚或放或鬻或自食之冠帶不去體好蒔荔枝日取飽實食焉宋景公召見之問其道不言殺之後數十年踞宋城門鼓琴十餘日而去

後漢

寇恂

按後漢書寇恂傳恂字子翼上谷昌平人也世爲著姓恂初爲郡功曹太守耿况甚重之王郎起况遣恂到漁陽結謀彭寵還至昌平襲擊邯鄲使者奪其軍遂與况子奔等俱南及光武於廣阿拜爲偏將軍從破羣賊拜河內太守建武二年拜潁川太守七年代朱浮爲執金吾十二年卒諡曰威侯子損嗣損卒子釐嗣徙封商鄉侯釐卒子襲嗣

寇張

按萬姓統譜張恂姪偏將軍

寇榮

按後漢書寇恂傳恂會孫榮少知名桓帝時爲侍中性矜潔自貴以此見害於權寵延熹中免歸故郡更承望風旨持之浸急榮奔關自訟未至刺史張敏追劾榮以擅去邊有詔捕之榮逃竄數年會赦令不得除積窮困乃自亡命中上書帝省章愈怒遂誅榮

北魏

寇讚

按魏書寇讚傳讚字奉國上谷人因難徙馮翊萬年父修之字延期村堅東萊太守讚少以清素知名羣華爲馮翊太守召爲功曹後歸順拜綏遠將軍魏郡太守南雍州刺史賜爵河南公在州十七年致仕眞君九年卒諡宣穆

寇元寶

按魏書寇讚傳讚子元寶爲豫州別駕興安元年卒

寇虎皮

按魏書寇讚傳元寶弟虎皮有才器本縣令

寇臻

按魏書寇讚傳虎皮弟臻字仙勝以孝稱顯祖末爲中川太守轉弘農太守拜振武將軍有威惠之稱遷鄆州刺史及高祖南遷鄆州地爲王畿除弘農太守坐受納爲御史所彈遂廢卒於家

寇祖

按魏書寇讚傳元寶子祖高祖時爲安南將軍東徐州刺史卒子靈孫緒陽太守

寇祖訓

按魏書寇讚傳臻子祖訓順陽太守

寇治

按魏書寇讚傳祖訓弟治字祖禮自洛陽令稍遷東荆州刺史坐遣戍兵送鄆道元免官世宗末遷河州刺史爲城民詣都列其貪狀會赦免久之遷金紫光祿大夫是時蠻反於三鴉治爲都督追討戰沒弟彌兼尚書郎沒關西

寇肅之

按魏書寇讚傳治長子肅之字長明自直後奉朝請再遷鎮遠將軍諫議大夫建義中出除東荆州刺史遷金紫光祿大夫武定四年卒

寇謙之

按萬姓統譜謙之昌平人遇仙人成功典與之遊嵩華食仙藥遂隱嵩陽元魏始光中召至闕謙之一日謂弟子曰昨夢功典召我於中嶽仙宮遂羽化有青氣如烟從口中出天半乃消其體漸縮識者謂尸解後東郡沈飲見謙之在嵩山身作銀色光明如日始知其爲仙矣

寇猛

按魏書寇猛傳猛上谷人也少以姿幹充虎賁騎遷羽林中郎世宗踐位用爲千牛備身歷轉至武衛將軍卒

北周

寇洛

按周書寇洛傳洛上谷昌平人也父延壽和平中以良家子鎮武川因家焉賀拔岳西征洛與之鄉里乃募從入關以功拜中堅將軍侯莫陳悅既害岳衆推洛爲盟主洛與趙貴等議迎太祖太祖至平涼以洛爲右大都督從討侯莫陳悅平之拜涇州刺史大統四年從太祖與東魏戰於河橋軍還洛率所部鎮東雍五年卒於鎮諡曰武子和嗣世宗二年賜姓若口引氏封松陽郡公

寇偶

按周書寇偶傳偶字祖偶上谷昌平人也祖讚魏南雍州刺史父臻鄆州刺史偶好學強記兄祖訓祖禮及偶並有志行白首同居以選爲魏孝文帝挽郎除奉朝請以功授員外散騎侍郎孝昌中置鹽池都將以偶爲之未安二年出爲涼州刺史大統五年入關拜祕書監十七年除車騎大將軍魏恭帝三年賜姓若口引氏武成元年進驃騎大將軍開府儀同三司保定三年卒諡曰元子奉位至洺州刺史昌國縣公奉弟願歷官小納言漢澤郡公

唐

寇泚

按萬姓統譜泚開元中爲宋州刺史元宗至州宴從臣於樓上泚與焉

後梁 寇彥卿

按五代史寇彥卿傳彥卿字俊臣開封人世事宣武軍爲牙將太祖初就鎮以爲通引官累遷右長直都指揮使領洛州刺史善伺太祖意動作皆如旨太祖即位拜感化軍節度使歲餘召爲左金吾衛大將軍遷河陽節度使末帝即位徙鎮威勝卒於鎮

宋

寇準

按宋史寇準傳準字平仲華州下邳人父相管開運中爲魏王府記室參軍準舉進士授大理評事累遷殿中丞擢尚書虞部郎中拜樞密副使明年拜參知政事眞宗即位遷尚書工部侍郎景德元年命同中書門下平章事是時契丹內寇急書一夕凡五至準飲笑自如請帝幸澶州帝盡以軍事委準準承制專決號令嚴明士卒喜悅王欽若深嫉之罷爲刑部尚書從封泰山遷戶部尚書知天雄軍拜中書侍郎時眞宗得風疾準密令翰林學士楊億表請太子監國謀洩罷爲太子太傅封萊國公乾興元年貶雷州司戶參軍天聖元年徙衡州司馬卒諡忠愍

寇瑛

按宋史寇瑛傳瑛字次公汝州臨汝人擢進士授蓬州軍事推官徙開封會蠻叛移領施州就除大理寺丞知開州遷殿中丞通判河南府召爲三司鹽鐵判官仁宗即位擢樞密直學士天聖末卒

寇隨

按尚友錄萊公無子以從子隨爲後官至殿中丞

寇偉

按宋史高永能傳永能之亡延州將皇城使寇偉亦力戰而沒贈均州防禦使

寇仲溫

按萬姓統譜仲溫諸暨令與學校廢淫祠民皆稱之

寇國寶

按萬姓統譜國寶徐州人舉進士任吳縣主簿百川學海中石林詩話云余居吳下一日出閭門至小寺中壁間有題詩一絕云黃葉西陂水漫流蓬蔭風急滯扁舟夕陽暝色來千里人語雞聲共一丘意極喜不書名氏問寺僧云寇主簿所作今官滿去矣歸而問之吳下士大夫始知其名蓋與予同年然亦未嘗往來亦漫不省其爲人已而數爲好事者舉此詩始有言國寶徐州人久從陳無已學乃知文字淵源有所自來亦不難辨恨不得多見之矣

寇平

按萬姓統譜平熙寧中知施州事以招納蠻酋田現有功與熊本等同被賞格

元

寇靖

按萬姓統譜靖自乾州倅爲鄆縣尹勤於撫字去任民懷其德立去思碑

明

寇運道

按萬姓統譜運道中部人洪武中任四川僉事

寇義

按萬姓統譜義字宗彝平山人萊公之後末樂中知

新野縣有能聲宣德中知鄧州正直嚴明聽訟即知誠僞吏民不敢欺宿弊盡革賦役均平凡百廢墜一修舉暇則詣課勵生徙城中掘地得一石云若要鄧州治還須寇公至其政績果能繼萊公云

寇厚

按萬姓統譜厚臨汾人末樂進士

寇源

按萬姓統譜源唐縣人宣德中舉人任知州

寇深

按萬姓統譜深字文淵唐縣人監生正統間僉都御史鎮守松茂瞻視有威將士事之如神番人款服犒賞加等不服隨便掩殺號令嚴明諸寨畏悚邊方寧謐景泰間累遷左都御史死於曹欽之難諡莊肅

寇天叙

按萬姓統譜天叙字子惇榆次人正德進士授大理評事仕至兵部右侍郎卒弟天與子陽俱舉進士有才名

寇陽

按萬姓統譜陽榆次人由進士嘉靖八年知廣平縣操守堅確制事果斷人咸畏其明決由是堂堦清淨固圉空虛累遷浙江僉事民到於今思之

寇姓部雜錄

日知錄寇氏姓譜出自武王弟康叔為周司寇後人因以氏焉按康叔為衛國之祖必無以王官氏其支庶之理此乃衛之司寇左傳哀公二十五年有司寇亥即寇氏之祖也檀弓有司寇惠子

茂姓部列傳

漢

茂負

按萬姓統譜負沮陽令

明

茂彪

按萬姓統譜彪字宗彝安化人景泰甲戌進士任御史

茂鎮

按萬姓統譜鎮字靖之茂山衛指揮嘉靖中任山東副總兵

茂有績

按萬姓統譜有績高苑人嘉靖中陝西洛川縣丞

茂承貞

按萬姓統譜承貞綬德衛人萬曆間山西倒馬關參將

佑姓部列傳

明

佑忠

按續文獻通考樂昌丞佑忠北流人

賀姓部列傳

漢

賀充國

按萬姓統譜充國字德卿博士

賀喜

按萬姓統譜喜見印數

懋姓部列傳

明

懋國輔

按萬姓統譜國輔內丘人萬曆間山西參將

繡姓部列傳

漢

繡君賓

按史記游俠傳馬領繡君賓名聞州郡恂恂謙退有君子之風

秀姓部列傳

明

秀芳

按萬姓統譜秀石泉人洪武中任禮部郎中

幼姓部列傳

漢

幼安

按萬姓統譜安見印敷

副姓釋姓鄧姓鏤姓廐姓灸姓袖姓胃姓舊姓痕姓鄧姓穠姓稔姓稔姓稔姓秀姓詬姓陋姓候姓部彙考

凌迪知萬姓統譜

副姓

副官氏志副呂氏改爲副

釋姓

釋本姓陸避事改爲釋女玉切廣州多此姓

鄭姓

鄭姓纂云越人以郡爲姓

鏤姓

鏤姓苑云遼東有此姓

廐姓

廐見姓苑

灸姓

灸見姓苑

袖姓

袖見姓苑

胃姓

胃見姓苑

舊姓

舊巨救切見姓苑

痕姓

痕見纂要

鄧姓

鄧音茂見直音

穠姓

穠音授見直音

稔姓

稔音授見直音

稔姓

稔音授見直音

秀姓

秀見姓苑

詬姓

詬見姓苑

陋姓

陋見姓苑

候姓

候周禮候人子孫因氏焉

開姓部列傳

明

開鳳

按萬姓統譜鳳樂城人正德中任平陽府經歷

禁姓沁姓部彙考

凌迪知萬姓統譜

禁姓

禁見姓苑吳興有此姓

沁姓

沁見姓苑

闕姓部彙考

廖用賢尚友錄

闕姓

關天水商音邑名齊卿關止之後又望出會稽

關姓部列傳

周

關止

按萬姓統譜止齊卿

漢

關樂

按萬姓統譜樂見印敷

吳

關澤

按吳志關澤傳澤字德潤會稽山陰人察孝廉除錢唐長遷郴令孫權為驃騎將軍辟補西曹掾及稱尊號以澤為尚書嘉禾中為中書令赤烏五年拜太子太傅六年卒

北魏

關駟

按魏書關駟傳駟字元陰燉煌人祖偉有名於西土父玖官至會稽令駟傳通經傳聰敏過人蒙遜甚重之常侍左右訪以政治損益拜祕書考課郎中加奉車都尉牧健待之彌重遷尚書姑臧平樂平王不鎮涼州引為從事中郎王薨之後還京師家甚貧敝不免飢寒卒無後

唐

關稜

按唐書杜伏威傳齊州章丘關稜貌魁雄善用兩刃刀伏威據江淮以戰功顯署左將軍從伏威入朝拜左領軍將軍越州都督輔公祏反稜與南討公祏破稜功多然頗自伐公祏被禽乃誣與己謀又伏威王

雄誕及稜貨產在丹陽者當原而趙郡王孝恭悉籍入之稜自訴忤孝恭遂以謀反誅

宋

關洞

按萬姓統譜洞尚書郎熙寧進士

關播

按萬姓統譜播軍使

元

關文典

按元史列女傳文典建康人從軍漳州為萬戶府知事至元十七年陳弔眼作亂攻漳州文典率兵戰死之妻王氏義不受辱自投火中死至順三年事聞贈典諡曰英烈王氏曰貞烈

明

關雲

按萬姓統譜雲崑山人成化舉人任知縣

關繼禹

按萬姓統譜繼禹四川人嘉靖壬戌進士任知府

贛姓部列傳

漢

贛遂

按萬姓統譜遂琅邪人成帝時耆老大儒教授數百人拜起舒遲朱博為琅邪守以其不習吏事復閉習之

塗姓部列傳

宋

塗安

按萬姓統譜安曲江人知靖州

念姓部彙考

鄭樵通志

去聲

念氏里出河南西魏太傅安定公念賢代人也生華

合州刺史

念姓部列傳

北周

念賢

按周書念賢傳賢字蓋盧美容姿頗涉書史少遭父憂居喪有孝稱後以破衛可孤功除別將尋除假節平東將軍封屯留縣伯建義初為大都督鎮井陘爾朱榮入洛拜車騎將軍右光祿大夫太僕卿進爵平恩縣公普泰初除使持節瀛州諸軍事驃騎將軍瀛州刺史末熙中拜第一領民酋長行南兗州事入為

殷中尚書魏孝武欲討齊神武以賢爲中軍北面大都督進爵安定郡公大統初拜太尉出爲秦州刺史三年都督河涼瓜鄯渭洮沙七州諸軍事大將軍河州刺史久之還朝五年除都督秦渭原涇四州諸軍事秦州刺史薨於州諡昭定

念華

按周書念賢傳賢子華性和厚有長者風官至開府儀同三司合州刺史

明

念進

按莘縣志進倉官

贈姓部列傳

元

贈思

按浙江通志思字得之先大食國人國旣內附因家真定至元三年除僉浙西肅政廉訪司事四年改僉浙東肅政廉訪司事以病免歸思歷官臺憲所至理冤澤物爲己任平反大辟之獄先後甚衆卒諡文孝思遂於經學博極羣書所著有四書闕疑五經思問

燃姓部彙考

凌迪知萬姓統譜

燃姓

燃音念見直音

監姓部彙考

凌迪知萬姓統譜

監姓

監衛康叔爲連屬之監其後以爲氏

監姓部列傳

周

監祿

按萬姓統譜祿秦將使攻百越

漢

監居翁

按漢書功臣表居翁以南越桂林監聞漢兵破番禺論貳駱民四十餘萬降封湘成侯

監益昌

按漢書功臣表益昌嗣侯五鳳四年坐爲九真太守

盜使人出買犀奴婢臧百萬以上不道誅

監正

按萬姓統譜正字日利涇州人

監心

按萬姓統譜心見印戴

北魏

監伯陽

按萬姓統譜伯陽清河人頓丘董徵從之受論語毛詩春秋周易後世宗詔董徵教授京兆清河廣平汝南四王清河王懌之爲太尉引爲倉曹參軍其名經源始於伯陽焉

宋

監曰恭

按萬姓統譜曰恭進士

監長世

按萬姓統譜長世舉進士

鑒姓部彙考

凌迪知萬姓統譜

鑒姓

鑒見姓苑

鑒姓部列傳

明

鑒文獻 子善 孫昭

按萬姓統譜文獻徐州人性敏有學識洪武中選入
永樂中思惟舊臣而文獻已物故名其子善爲南京
南城兵馬指揮孫昭由太學生任福建行都司斷事

鑑姓部列傳

明

鑑復明

按萬姓統譜復明濟陽人洪武中任江陵知縣興學
勸農

鑑搏霄

按萬姓統譜搏霄樂安人洪武二十年山東舉人任
主事

汎姓部列傳

後漢

汎崑

按萬姓統譜崑漢末人

明

汎克恭

按萬姓統譜克恭湘陰人洪武中舉人

欽定古今圖書集成明倫彙編氏族典

第五百一卷目錄

陸姓部彙考

唐書宰相世系表

廖用賢尚友錄

蘇州府志

陸姓部列傳一

周

陸通

漢

陸賈

陸疆

後漢

陸閔

陸康

陸駿

吳

陸績

陸瑁

陸引

陸晏

陸監

晉

陸機

陸耽

陸探微

陸玩

陸邁

宋

陸徵

陸修靜

南齊

陸澄

陸慧曉

陸絳

梁

陸杲

陸倕

陸璉

陸襄

陸單

陳

陸山才

陸子才

陸繕

陸見賢

陸琰

陸玠

陸珍

陸統

陸子真

陸超之

陸閑

陸厥

陸僚

陸慶

陸雲公

陸子隆

陸之武

陸辯惠

陸瓊

陸瑜

陸琛

陸詡

氏族典第五百一卷

陸姓部彙考

唐書

宰相世系表

陸氏出自鳩姓田完裔孫齊宣王少子通字季達封於平原般縣陸鄉即陸終故地因以氏焉通諡曰元侯生恭侯發為齊上大夫發二子萬阜阜生邕邕生漢太中大夫賈萬生烈字伯元吳令豫章都尉即卒吳人思之迎其喪葬於胥屏亭子孫遂為吳郡吳縣人二子衡盱盱字子光襄賁令生鴻字叔鸞本州從事鴻生建字公榮渤海太守建生暉字奉光本州從事生恭字彥祖御史中丞京兆尹恭生璜字公伯璜生文字孝平弘農都尉文生親字公道成都令親生衆字世業舉秀才除郎中生賜字思祖丞相府主簿生閔字子春潁川太守尚書令三子瑛溫桓號潁川枝桓字叔文生續字知初揚州別駕三子稠逢褒號荊州枝稠荊州刺史二子肅謙肅丹徒令號丹徒枝十世孫鎮之

揚州別駕續中子逢漢尚書右僕射樂安侯五子涉表瓊吳招號樂安枝表生漢海鹽縣令穰字子仁生恢晉諫議大夫恢生末與縣令弘號諫議枝揚州別駕續少子褒字叔明褒第三子紆字叔盤吳城門校尉五子黨愔颯贊駿字季才九江都尉太學博士二子遜瑁瑁字子璋選曹尚書六子滂喜穎英偉顏穎第三子海隅縣令濯生漢公漢公生洌洌生晉本郡從事元之隱居魚圻號魚圻枝生英字季子長沙太守高平相員外散騎常侍六子衡舉暉玩粹耀玩

字士瑤侍中司空贈太尉典平康伯六子謚儒側納

父始號太尉枝始字祖典五兵尚書侍中二子傲萬

載萬載臨海太守祕書監侍中四子道玩叔元羣子

真子真字同宗宋東陽太守四子惠曉惠恭惠徹惠

遠惠徹字監齊司徒府左曹掾三子觀閑引閑字遐

業揚州別駕四子厥絳完襄

長沙太守英次子瑾晉中書侍郎號侍郎枝五世孫

文盛齊散騎常侍生宜猛字觀明梁宣威將軍宜猛

生陳吏部侍郎淳淳九世孫齊望

陸氏宰相六人丹徒枝有敦信太尉枝有元方象

先希聲侍郎枝有辰贊

廖用賢尚友錄

陸姓

陸河內角音嬌姓齊宣王封少子通字季達於平原

般郡陸鄉即陸終故地因以氏又望出吳郡

蘇州府志

氏族

陸氏嬌姓田敬仲之後也十一世齊宣王少子通封

於平原般縣陸鄉即陸終氏之故地因以爲氏通謚

元侯生恭侯發爲齊上大夫生二子曰萬曰阜孫賈

爲漢太中大夫萬生烈爲吳令死葬胥屏亭子孫遂

爲吳縣人十世孫頴川太守閔生三子曰叩曰溫曰

桓號頴川枝桓生揚州別駕續又生三子曰稠曰達

曰褒稠爲荊州刺史號荊州枝稠生二子曰肅曰謙

肅爲丹徒令號丹徒枝世說敘錄有陸氏譜陸景獻

自有吳郡陸氏宗系譜一卷

陸姓部列傳一

周

陸通

按尚友錄通即楚狂接輿也春秋時三使聘於江南

通大笑不應妻曰妾與先生躬耕而食親績而衣據

義而動樂亦足矣今受人重祿乘人良駟食人醢肥

將何以待之通曰吾不許也妻曰君使不從非忠也

從之違義也不如去之與通變易姓名入蜀隱居峩

眉山中

漢

陸賈

按漢書陸賈傳賈楚人以客從定天下有口辨常使

諸侯中國初定尉佗平南越因王之使賈賜佗印爲

南越王賈說佗稱臣奉漢高帝大悅拜賈大中大夫

著新語十二篇每奏一篇未嘗不稱善呂太后欲王

諸呂賈以病免教丞相平交驩太尉勃卒誅呂氏孝

文卽位爲大中大夫使尉佗去黃屋稱制皆如意指

有五男出使越葉中千金分其子二百金賈乘安車

駟馬從歌鼓瑟侍者十八人寶劍百金約其子所過

給人馬酒食極飲十日而更所死家得寶劍車騎以

壽終

陸烈

按萬姓統譜烈字伯元高帝時爲吳令遷豫章都尉

卒吳人思之迎葬於胥屏亭子孫遂爲吳人

陸疆

按漢書功臣表疆以匈奴王降封道侯

陸則

按漢書功臣表則嗣侯孝武後元年坐祝詛要斬

後漢

陸閎

按後漢書陸績傳績祖父閎字子春建武中爲尚書

令美姿貌著越布單衣光武見而好之自是常勅會

稽郡獻越布

陸續

按後漢書陸續傳續字智初會稽吳人幼孤仕郡戶

曹史時歲荒民飢困太守尹興使續於都亭賦民餽

粥續悉分別姓名無有差謬與異之刺史行部見續

辟爲別駕從事以病去還爲郡門下掾是時楚王英

謀反陰疏天下善士顯宗得尹興名乃徵興詣廷尉

獄續及掾史五百餘人詣洛陽詔獄就考肌肉消爛

終無異辭續母遠至京師覲候消息作饋食付門卒

以進之續對食悲泣不能自勝使者問故續曰母來

不得相見故泣耳使者問何以知續曰母常截肉未

嘗不方斷葱以寸爲度是以知之使者嘉之上書說

續行狀帝卽赦興等事還鄉里禁錮終身續以老病

卒長子稠廣陵太守有理名續中子達樂安太守少

子褒力行好學不慕榮名連徵不就

陸康

按後漢書陸康傳康字季寧吳郡吳人也祖父續父

衷有志操連徵不至康少仕郡以義烈稱刺史臧旻

舉爲茂才除高成令以恩信爲治寇盜亦息光和元

年遷武陵太守轉守桂陽樂安二郡所在稱之時靈

帝欲鑄銅人而國用不足乃詔調民田畝斂十錢而

比水旱傷稼百姓貧苦康上疏諫內倖因此譖康大

不敬檻車徵詣廷尉侍御史劉岱典考其事岱爲表陳解釋免歸田里復徵拜議郎會盧江賊黃穰等攻沒四縣拜康盧江太守康申明賞罰擊破穰等餘黨悉降帝嘉其功拜康孫尚爲郎中獻帝卽位康蒙險奉貢朝廷詔書策勞加忠義將軍袁術遣使求委輸兵甲康以其叛逆閉門不通術大怒遣將攻康受敵二年城陷月餘發病卒年七十朝廷愍其守節拜子儁爲郎中少子績

陸紆

按陸氏世頌遜祖紆字叔盤敏淑有思學守城門校尉

陸駿

按陸氏世頌遜父駿字季才淳懿信厚爲邦族所懷官至九江都尉

陸著

按萬姓統譜著字文伯桓靈之間交辟不就惟娛栖遁誠子弟云吾少未嘗官於世四十餘年汝等必矜義母苟仕濁世遂三代不仕皆有盛名

吳

陸績

按吳志陸績傳績字公紀吳郡吳人也年六歲於九江見袁術術出橘績懷三枚去拜辭墮地術謂曰陸郎作賓客而懷橘乎績跪答曰欲歸遺母術大奇之績容貌雄壯博學多識星歷等數無不該覽孫權統事辟爲奏曹掾以直道見憚出爲儻林太守績雖有軍事著述不廢作渾天圖注易釋元皆傳於世豫自知亡日年三十二卒長子宏會稽南部都尉次子叙

長本校尉

陸遜

按吳志陸遜傳遜字伯言吳郡吳人也遜少孤隨從祖廬江太守康在官袁術攻康康遣遜及親戚還吳遜年長於康子績數歲爲之綱紀門戶孫權爲將軍遜年二十一始仕幕府歷東西曹令史出爲海昌屯田都尉並領縣事縣連年亢旱遜開倉穀以賑貧民勸督農桑百姓蒙賴鄱陽賊帥尤突作亂往討之拜定威校尉軍屯利浦權以兄策女配遜數訪世務會丹陽賊帥費棧扇動山越權遣遜討棧應時破散遂部伍東三郡疆者爲兵羸者補戶得精卒數萬人還屯蕪湖呂蒙稱疾詣建康權乃召遜拜偏將軍右都督代蒙遜至陸口克公安南郡遜徑進領宜都太守拜撫邊將軍封華亭侯進封黃武元年劉備率衆向西權命遜爲大都督假節督朱然潘璋宋謙韓當徐盛鮮于丹孫桓等五萬人拒之經七八月遜乃以火攻拔之破其四十餘營備因夜遁僅得入白帝城加拜輔國將軍領荊州牧卽改封江陵侯諸葛亮秉政與權連和時事所宜權輒令遜語亮并刻權印以置遜所權每與禪亮書有所不安便令改定以印封行之七年曹休舉衆入皖乃召遜假黃鉞爲大都督逆休追亡逐北徑至夾石斬獲萬餘黃龍元年拜上大將軍右都護是歲權東巡建業留太子皇子及尚書九官徵遜輔太子並掌荊州及豫章三郡事董督軍國嘉禾五年權北征使遜與諸葛瑾攻襄陽密與瑾立計令瑾督舟船遜悉有兵馬以向襄陽城敵素憚遜遠還赤烏七年代顧雍爲丞相卒年六十三

家無餘財長子延早夭次子抗襲爵孫休時追諡遜曰昭侯

陸瑁

按吳志陸瑁傳瑁字子璋丞相遜弟也少好學篤義陳國陳融陳雷濮陽逸沛郡蔣纂廣陵袁迪等皆單貧有志就瑁遊處瑁割少分甘與同豐約及同郡徐原爰居會稽素不相識臨死遺書託以孤弱瑁爲起立墳墓收導其子又瑁從父績早亡一男一女皆數歲以還瑁迎攝養至長乃別州郡辟舉皆不就嘉禾元年公車徵瑁拜議郎選曹尚書孫權忿公孫淵之巧詐反覆欲親征之瑁上疏諫權嘉其詞理端切遂不行亦烏二年瑁卒

陸凱

按吳志陸凱傳凱字敬風吳郡人丞相遜族子也黃武初爲永興諸暨長所在有治迹拜建武都尉領兵雖統軍衆手不釋書赤烏中除儋耳太守討朱崖斬獲有功遷爲建武校尉五鳳二年討山賊陳慈於零陵斬慈克捷拜巴丘督偏將軍封都鄉侯累遷盪魏綏遠將軍孫休卽位拜征北將軍假節領豫州牧孫皓立遷鎮西大將軍都督巴丘領荊州牧進封嘉興侯寶鼎元年遷左丞相皓時徙都武昌揚土百姓流涕供給以爲患苦又政事多謬黎元窮匱凱乃心公家義形於色表疏皆指事不飾忠懇內發建衡元年卒時年七十二子禕初爲黃門侍郎出領部曲拜偏將軍凱亡後入爲太子中庶子後竟徙家建安

陸引

按吳志陸凱傳引字敬宗凱弟也始爲御史尚書選

曹郎太子和聞其名待以殊禮後爲衡陽督軍都尉
赤烏十一年爲交州刺史安南校尉務崇招納高涼
渠帥黃吳等皆出降遺以財幣賊帥百餘人民五萬
餘家深幽不羈莫不稽顙交城清泰就加安南將軍
復討蒼梧建陵賊破之前後出兵八千餘人以充軍
用永安元年徵爲西陵督封都亭侯後轉左虎林卒
子式嗣爲柴桑督揚武將軍天策元年與從兄禕俱
徙建安天紀二年召還建業復將軍侯

陸抗

按吳志陸遜傳遜子抗字幼節孫策外孫也遜卒時
年二十拜建武校尉赤烏九年遷立節中郎將與諸
葛恪換屯柴桑建興元年拜奮威將軍太平二年魏
將諸葛誕舉壽春降拜抗爲柴桑督赴壽春破魏牙
門將偏將軍遷征北將軍永安二年拜鎮軍將軍都
督西陵三年假節孫皓即位加鎮軍大將軍領益州
牧建衡二年拜抗都督信陵西陵夷道樂鄉公安諸
軍事治樂鄉抗聞都下政令多闕憂深慮遠乃上疏
陳時宜十七條鳳皇元年西陵督步闡據城以叛遣
使降晉抗部分諸軍陷西陵城誅夷闡族及其大將
吏自此以下所請赦者數萬口修治城園東還樂鄉
貌無矜色謙冲如常加拜都護二年春就拜大司馬
荊州牧三年夏疾病上疏曰西陵建平國之蕃表臣
死之後乞以西方爲屬秋遂卒

陸晏

按吳志陸遜傳遜子抗卒子晏嗣晏及弟景元機雲
分領抗兵晏爲裨將軍夷道監天紀四年二月壬戌
晏爲王濬別軍所殺

陸景

按吳志陸遜傳遜子抗抗子景字士仁以尚公主拜
騎都尉封毗陵侯既領抗兵拜偏將軍中夏督操身
好學者書數十篇景少爲祖母所育養及祖母亡景
爲之心喪三年晏爲王濬別軍所殺癸亥景亦遇害
時年三十一

陸監

按萬姓統譜監華亭人少時隱靜方直抗烈仕吳除
後將軍司馬以功封西陽亭侯

晉

陸機

按晉書陸機傳機字士衡吳郡人也祖遜吳丞相父
抗吳大司馬機身長七尺其聲如雷少有異才文章
冠世抗卒領父兵爲牙門將吳滅退居舊里閉門勤
學積有十年太康末與弟雲俱入洛張華薦之諸公
太傅楊駿辟爲祭酒景遷太子洗馬著作郎趙王倫
輔政引爲相國參軍賜爵關中侯倫誅收付廷尉成
都王穎救之得減死機感全濟之恩又見朝廷屢有
變難謂穎必能康隆晉室遂委身焉穎表爲平原內
史太安初穎起兵討長沙王又假機後將軍河北大
都督軍敗宦人孟玖譖機有異志穎大怒使收機機
歎曰華亭鶴唳豈可復聞乎遂遇害年四十三子
蔚夏亦同被害機既死非其罪士卒痛之莫不流涕

陸雲

按晉書陸機傳機弟雲字士龍六歲能屬文清正有
才理少與兄機齊名號曰二陸吳平入洛補浚儀令
到官肅然下不能欺市無二價一縣稱神明郡守害

其能屢譴責之雲乃去官尋拜吳王晏郎中令爲尚
書郎侍御史太子中舍人中書侍郎成都王穎表爲
清河內史雲屢以正言忤旨孟玖欲用其父爲鄆郡
令雲固執不許玖深忿怨機敗并見殺僚屬隨入者
數十人流涕固請穎惻然有省雲邑孟玖扶穎入催
令殺雲時年四十二

陸耽

按晉書陸機傳雲弟耽爲平東祭酒亦有清譽與雲
同遇害

陸喜

按晉書陸機傳機從父喜字恭仲父瑁吳吏部尚書
喜仕吳累遷吏部尚書少有聲名好學有才思太康
中以爲散騎常侍尋卒子育爲尚書郎弋陽太守

陸探微

按萬姓統譜探微吳人善畫得六法之妙平生愛寫
古賢聖像明帝時常在侍從張彥遠論其體運遵舉
風力頓挫一點一拂動筆不凡

陸聘

按晉書陸聘傳聘吳郡吳人也伯父喜吳吏部尚書
父英高平相聘少有雅望元帝初鎮江左辟爲祭酒
預計華軼功封平望亭侯太興元年遷太子詹事明
帝即位轉光祿勳遷太常代紀瞻爲尚書左僕射代
卞壹爲領軍將軍以平錢鳳功進爵江陵伯帝不豫
聘與王導下臺庚亮溫嶠郗鑒並受顧命輔皇太子
更入殿將兵直宿成帝踐阼拜左光祿大夫開府儀
同三司蘇峻之難聘隨帝在石頭舉動方正不以凶
威變節峻以聘吳士之望不敢加害峻平以勳進爵

爲公封太子殿新康子咸和中求歸鄉里諡曰穆子
諡散騎常侍

陸玩

按晉書陸玩傳玩字士瑤器量淹雅元帝引爲丞相
參軍累加建威將軍轉尚書左僕射蘇峻反遣玩與
兄囑俱守宮城玩潛說匡術歸順以功封興平伯轉
尚書令遷侍中司空玩雖登公輔謙讓不辟掾屬咸
帝聞而勸之玩不得已而從命所辟皆寒素有行之
士玩翼亮累世常以弘重爲人主所貴加性通雅不
以各位格物誘納後進謙若布衣由是搢紳之徒莫
不廢其德字後疾薨年六十四諡曰康子始嗣歷侍
中尚書

陸納

按晉書陸納傳納字祖言少有清操貞厲絕俗初辟
鎮軍大將軍武陵王掾州舉秀才爲建威長史累遷
黃門侍郎出爲吳興太守至郡不受俸祿項之徵拜
左民尚書遷太常徙吏部尚書拜尚書令恪勤貞固
始終不渝除左光祿大夫開府儀同三司未拜而卒
以爲贈子長生先卒無子以弟子道隆嗣元熙中爲
廷尉

陸邁

按萬姓統譜邁字功高器識清敏風檢澄峻累遷振
威將軍尚書吏部郎

陸統

按萬姓統譜統納弟內史

宋

陸微

按宋書陸微傳微字休猷吳郡吳人也郡辟命主簿
除尚書都官郎出補建康令清平無私爲太祖所善
遷司徒左西掾元嘉十四年爲始興太守明年仍除
使持節交廣二州諸軍事綏遠將軍廣州刺史爲士
民所愛二十一年徵以爲南平王鎮冠軍司馬二十
三年爲益州刺史隱卹有方威惠兼著寇盜靜息民
物殷阜蜀土安說至今稱之二十九年卒時年六十
二身亡之日家無餘財諡曰簡子子叔正員外郎弟
展臧質車騎長史尋陽太守質敗從誅

陸子眞

按南齊書陸慧曉傳慧曉父子眞元嘉中爲海陵太
守時中書舍人秋當親幸家在金陵假還葬父子眞
不與相聞當請發民治橋又以妨農不許彭城王義
康聞而賞焉自臨海太守眼疾歸爲中散大夫卒

陸修靜

按尚友錄修靜吳郡人早通文籍長慕神仙棲廬山
東林寺與陶潛慧遠結白蓮社世傳三笑宋文帝表
其高風召至都作停雲寶贊使徐湛宣旨留之不可
泰始三年作崇虛館通仙堂強招之使講道元徽五
年卒年七十二諡簡寂先生詔以所居爲簡寂觀

南齊

陸澄

按南齊書陸澄傳澄字彥淵吳郡吳人也祖邵臨海
太守父瑗州從事澄少好學博覽無所不知行坐眠
食手不釋卷起家太學博士宋泰始初爲尚書殿中
郎轉通直郎兼中書郎尋轉兼左丞泰始六年轉著
作正員郎除安成太守建元元年免官白衣領職明

年轉給事中祕書監遷吏部未明元年轉度支尚書
尋領國子博士王儉自以博聞多識集學士何憲等
盛自商略澄待儉語畢然後談所遺漏數百千條皆
儉所未覩儉乃歎服轉散騎常侍尋領國子祭酒竟
陵王子良得古器小口方腹而底平可將七八升以
問澄澄曰此名服匿單于以與蘇武子良後詳視器
底有字髣髴可識如澄所言隆昌元年轉光祿大夫
加散騎常侍未拜卒年七十諡靖子

陸超之

按萬姓統譜超之齊江州史晉安王子懋防閤也隆
昌元年宣城公鸞既專廢立又殺諸王遣將至江州
害子懋或勸超之逃超之曰人皆有死此不足懼
吾若逃亡孤晉安之勢遂端坐候命賊自後斬之頭
墮而身不僵

陸慧曉

按南齊書陸慧曉傳慧曉字叔明吳郡吳人也祖萬
載侍中父子眞慧曉清介正立不雜交游初應州郡
舉歷諸府行參軍以母老還家侍養十餘年不仕太
祖輔政除爲尚書殿中郎建元初遷太子洗馬武陵
王暕守會稽以慧曉爲征虜功曹歷輔五政治身清
肅建武初除西中郎長史遷吏部郎出爲東海太守
入爲五兵尚書遷持節督南兗五州軍事

陸閑

按南齊書陸綽傳綽父閑字遐業有風槩與人交不
苟合少爲同郡張緒所知仕至揚州別駕明帝崩閑
謂所親曰宮車晏駕百司將聽於冢宰主上地重才
弱必不能振難將至矣乃感心疾不復預州事刺史

始安王遙光反事敗閑以綱佐被召尚書令徐孝嗣啓閑不預逆謀未及報徐世樹令殺之

陸絳

按南齊書陸絳傳絳字魏卿吳郡人也父閑被殺絳抱閉頸乞代死遂併見殺

陸厥

按南齊書陸厥傳厥字韓卿吳郡吳人揚州別駕閑子也少有風采好屬文五言詩體甚新奇舉秀才王晏少傅主簿遷後軍行參軍永明末盛爲文章吳興沈約等文皆用官商以平上去入爲四聲以此制韻世呼爲永明體厥與約書辨之永元元年始安王遙光反厥父閑被誅厥坐繫尚方尋有赦令厥恨父不及感慟而卒年二十八文集行於世

梁

陸杲

按梁書陸杲傳杲字明霞吳郡吳人祖微宋益州刺史父叔揚州治中杲少好學工書畫起家齊中軍法曹行參軍太子舍人衛軍王儉主簿遷司徒從事中郎梁臺建以爲驃騎記室參軍遷相國西曹掾天監五年遷御史中丞杲性倖直無所顧望在臺號稱不畏疆禦六年遷祕書監八年出爲義興太守在郡寬惠爲民下所稱還爲司空十五年遷司徒左長史十六年入爲左民尚書遷太常卿五年爲金紫光祿大夫領揚州大中正中大通元年加特進四年卒時年七十四諡曰質子杲素信佛法持戒甚精著沙門傳三十卷

陸照

按梁書陸杲傳杲弟照學涉有思理天監初歷中書侍郎尚書左丞太子家令卒撰晉書未就又著陸史十五卷陸氏驪泉志一卷並行於世子單少篤學有文才仕至太子中庶子光祿卿

陸倕

按梁書陸倕傳倕字佐公吳郡吳人也晉太尉玩六世孫祖子眞宋東陽太守父慧曉齊太常卿倕少勤學善屬文於宅內起兩間茅屋杜絕往來晝夜讀書如此者數載所讀一遍必誦於口舉本州秀才辟議曹從事參軍天監初轉主簿與樂安任昉友善爲咸知己賦高祖雅愛倕才敕撰新漏刻銘遷太子中舍人又詔爲石闕銘記奏之遷中書侍郎司徒司馬太子中庶子廷尉卿普通七年卒年五十七文集二十卷行於世第四子續早慧十歲通經爲童子奉車郎卒

陸倕

按萬姓統譜倕字學涉子史長於微言美姿容鬚眉如畫位西昌侯蜀郡長史

陸璣

按萬姓統譜璣吳人天監四年詔開五館置五經博士璣與沈峻補博士各主一館懷經負笈者雲會矣

陸慶

按尚友錄慶吳人少好學徧通五經節操甚高梁征西府墨曹參軍永陽王聞其名欲與相見慶辭以疾間詣陸榮宅王穿壁觀之曰觀陸慶風神凝峻殆不可測

陸襄

按梁書陸襄傳襄字師卿吳郡吳人也父閑齊始安王遙光揚州治中末元末遙光據東府作亂堂軍攻陷城閑見執將刑第二子絳求代死不獲遂以身蔽刃刑者俱害之襄痛父兄之酷喪過於禮服釋後猶若居憂天監三年起家著作佐郎除永寧令累遷中書舍人出爲揚州治中襄母嘗患心痛醫方須三升栗漿是時冬月日又逼暮求索無所忽有老人詣門貨漿量如方劑始欲酬直無何失之時以襄孝感所致也累遷國子博士太子家令母憂去職襄年已五十毀頓過禮大通七年出爲都陽內史郡中大治

徵爲吏部郎太清元年遷度支尚書侯景圍宮城襄逃還吳景將宋子仙進攻錢塘襄憂憤卒時年七十襄弱冠遭家禍終身蔬食布衣不聽音樂口不言殺害五十許年侯景平世祖追贈侍中雲麾將軍以建義功追封餘干縣侯

陸雲公

按梁書陸雲公傳雲公字子龍吳郡人也祖閑州別駕父完寧遠長史雲公五歲誦論語毛詩九歲讀漢書略能記憶好學有才思州舉秀才累遷武陵王湘東王行參軍高祖召兼尚書儀曹郎入直壽光省除著作郎遷中書黃門郎太清元年卒時年三十七雲公從兄才子亦有才名歷官中書郎宣成王友太子中庶子廷尉卿先雲公卒才子雲公文集並行於世

陸單

按萬姓統譜單字洞元少篤學多所該覽善屬文簡文引爲記室參軍撰帝集叙稍遷太子中庶子禮遇甚厚大同七年以母老求去公卿以下皆祖道時人